



Band II



L 5 459.3

Archiv 104

No 545-704.

111

VIRO

MAGNIFICO, EXCELLENTISSIMO, AMPLISSIMO,
DOCTISSIMO,

BENEDICTO CLEMENTI
CLAVSVIZIO,

CLIENTELAE FRANKENTHALII,
ICTO CELEBERRIMO,

CONSVLATVM SECVNDVM

DIE I. MARTII MDCCLXXXII

LAETISSIMIS AVSPICIIS INITVM

HOC PIETATIS ATQVE OBSERVANTIAE MONVMENTO

GRATVLABANTVR

GYMNASII COLLEGAE.



BVDISSAE,

EX OFFICINA GEORGII GOTTHOLD MONSII.

127

Inter piorum carmina civium
Plausumque laetum et verba faventia,
Si fors mea dignatur ulla
Concinuisse lyra camæna,
Et spiritus si vel tenuis datur,
Nobis Latini forsitan eloqui,
Latantis interpres Lycei
Ille fit, ille animique grati
Testis mei, quem patribus advenam
Jamjam benignus conciliat favor,
Budissa quem nulli secundum
(Spondeo!) mox pietate noscet.

Deus magistratum ipse Tibi et Tuæ
Fortunet urbi, digne pater sequi
Bachmerum, et æque par ferendo
(Sic erat ille) oneri decoro.

L. F. G. E. Gedike,
Rector.

En iterum felix annus nascetur in vrbe!
Omina grata noui Consulis annus habet.
Cernis, vt accedat rerum Clauisius orbem,
Haud secus eois hesperus exit aquis,
Vt populus clamet: salue, Pater optime, salue!
Te pastore timent nulla pericla greges.
Clauum dextra tenet spectata, fidesque ministrat
Et pudor, amisit pontus et aura minas.
Quid? non tuta fouent, quæ terras, otia ciuem?
Paciferi Augusti sub pede bella iacent.
Quam quoque læta Ceres de cælo prospicit agros,
Sidere et optato surgit amica seges!
Talibus auspiciis manabat copia frugum,
Vix totum capiunt horrea ruris onus:
Artibus et cultu crescens opibusque virisque
Conspicuum tollit pulcra Budissa caput.
Ergo animis vt et ore tibi, Bœhmere, fauemus,
Nonne domus lauru, qua modo sceptrâ, viret?
Quale quies lassis, gelidæ sitientibus vndæ,
Depositisque salus, cura secunda fuit.
O vtinam hoc semper visant nos tempora vultu!
Præfidibus tantis vsque manebit honor.

M. Ioannes Theophilus Coberus,
Conrector.

En, clauum pangit Bœhmerus fronte serena,
Thura ferens solennia flammis Consul amatus.
Lata cohors patrum clamans: Feliciter! adstant,
Et meritas soluunt expleto munere grates.
Cura Dei vigilans disiecit nubila densa;
Et cælum caligine cæcum splendet ab ortu.
Ast agitat Gallos demens discordia fratres;
Scinditur incertus studio in contraria Belga,
Atque cruore scatens regnat feralis Erinny.
Sed ferro claudet supremus civica bella;
Nec tanget ferrugine te, fidissime Saxo,
Quæ validas patriæ vires in viscera vertit.
Namque fides sua Lufatis pietasque manebit.
Hac confidens, quod fecisti, Consul amande,
Gnauiter omine fausto summæ consule rerum.

Ehrenfried Traugott Demuth,

Subrektor.

En redeunt plausus, letatur grata Budissa,
Conclamant cives: advenit ille dies,
Quem colimus semper merito læteque pieque,
Plausus hic nobis causaque fonsque fuit.
Tradit enim Patri Pater optimus urbis habenas,
Civis in incerto est, quem studio anteferat.
Curia enim studio simili æqualique tenetur
Crescat perpetuo civis in urbe salus!
Optares Patres a Numine, nec meliores
Judicium pareret, fingeret ingenium.
Clara Budissa, cluis fere terque quaterque beata,
Fortuna invidiam nunc, meritoque timet.
Quæso perpendas animo: cui munera debes
Innumerabilia, aut cui referenda tenes? —
Gratia prima Dei, post inclyta cura Senatus
Indefessa, diu prospera nonne fuit?
Civis, funde preces, sacrentur candida vota:
Hos Patres habeat cara Budissa diu!

Iohannes Samuel Petri,

Dir. Mus. Cant. et Coll. Gymn.

Tempus adest aptum precibus: valet ille, videtque
Vires et res, urbs læta, valere tuas.
Ille valet, patrocinium quem pauperis omnis,
Sponte sua probitas, officiumque iuuant.
Quo votiuo templa Dei sacra thure coluntur!
Justitiæque valent cætera membra domus.
Quisque bonus ciuis venit in certamen amoris;
Hac hominum nulli parte secundus ero.
Mens sibi participi communis nostræ salutis
Primum lætitiæ non negat esse locum,

Ebria forte sua tam festis hisce calendis
Anni principio, voce tubæque sacris.
Salve læta dies! qua susceperè Senatus
Collegæ sancti munia nacta Deo.
Claufrizius fasces sublimes accipit urbis,
Bachmerus digne quos moderatus erat.
Cujus et imperio patrum renouata refulgent
Fundamenta scholæ, perveterisque domus.
Comprecor, eueniat quodcunque salutis utrique!
Quin Deus optanti prospera signa dedit.
Auxilium reliquis erit altum patribus ipse:
Plaudent Budissæ curia, templa, scholæ.

Iohannes Georgius Rauffendorf,

Coll. V.

Sic repetit regimen nostræ Claufwitius urbis,
Sic repetunt cives vota precesque simul.
Omen adest faustum, Bachmeri Consulis annus!
Adfuit Huic Jovæ gratia summa Viro,
Respice, namque olim Claufwito favit et ipsi,
Cui nunc ut faveas, quæsumus, alme pater.
Ille tibi soli confidit, Jovæ benigne,
Ergo juva auxilio consilioque tuo.
Vita salusque Viri vigeant, et viribus auctis
Corporis atque animi sic ferat urbis onus.
Conciliumque Patrum salvum cum Consule serves,
Ut profint urbi porro diuque, precor.

M. Christ. Huldr. Fridemannus,

Coll. VI.

Carminis officium poscit repetita Senatus
Lectio: cum votis iungite vestra meis
Vota, boni cives, meritasque rependite laudes,
Qui facit hæc nobis annua festa, Deo.
Bachmerus, civis tutela decusque Senatus
Eximium, cedit fascibus incolumis.
Detur inoffensæ Tibi secula degere vitæ!
Nube vaces omni! tota caterva canit.
Jam regit hanc nostræ molem Claufwizius urbis.
Publicus omnium amor, namque, ut ametur, amat,
Sic nobis felix, Hoc Præsule, defluet annus!
Sic Patribus felix defluet ille Bonis.

Ioannes Petrich,

Coll. Gymn. Adj.

Oberlausitzische Bibl. Görlitz



1066905 1